

ერთი მხრივ თელავის მუნიციპალიტეტი (შემდგომში - „შემსყიდველი“), წარმოდგენილი მუნიციპალიტეტის მერის პირველი მოადგილის ნიკოლოზ მეტრეველის სახით და მეორე მხრივ შპს „ეტალონი-მედია“ (შემდგომში - „მიმწოდებელი“), წარმოდგენილი დირექტორის მანანა ლოლობერიძის სახით, ვდებთ ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულების საგანია საქართველოს ეროვნული ინტელექტ-ჩემპიონატის „ეტალონი“ დისტანციურ რეჟიმში ჩატარება თელავის მუნიციპალიტეტისთვის და მასში თელავის მუნიციპალიტეტის სკოლების მოსწავლეების მონაწილეობა;
- 1.2. ხელშეკრულებით გათვალისწინებული მომსახურება დისტანციურ რეჟიმში განხორციელდება მიმდინარე წლის ივნისის თვეში, შემსყიდველის მიერ წინასწარ შერჩეულ და შეთანხმებულ თარიღსა და დროის პერიოდში.

2. უფლებები და ვალდებულებები

2.1 შემსყიდველს უფლება აქვს:

2.1.1. მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.

2.2. შემსყიდველი ვალდებულია:

2.2.1. შემსყიდველი ვალდებულია, შეუფერხებლად აუნაზღაუროს მიმწოდებელს გაწეული მომსახურების ღირებულება ხელშეკრულებით გათვალისწინებული პირობებისა და ვადების შესაბამისად.

2.3. მიმწოდებელს უფლება აქვს:

2.3.1. მოსთხოვოს შემსყიდველს ხელშეკრულებით გათვალისწინებული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად.

2.3.2. მოითხოვოს შემსყიდველისგან ხელშეკრულებების სხვა პირობების დაცვა.

2.4. მიმწოდებელი ვალდებულია:

2.4.1. უზრუნველყოს დისტანციურ რეჟიმში გასამართად ინტელექტუალური კონკურსისთვის კითხვების მომზადება, დამუშავება-რედაქტირება, შესაბამის პორტალზე განთავსება;

2.4.2. უზრუნველყოს ინტელექტუალური კონკურსის დისტანციურ რეჟიმში გასამართად შესაბამისი ვებ-პორტალი;

2.4.3. უზრუნველყოს კონკურსის მონაწილეებისათვის ონლაინ-სიგელების/დიპლომების მომზადება და შემსყიდველის სურვილის შემთხვევაში განათავსოს მათზე შემსყიდველი მუნიციპალიტეტის სიმბოლიკა (ლოგო, გერბი ან სხვა);

2.4.4. შემსყიდველის უფლებამოსილ წარმომადგენელს მიანიჭოს სისტემური წვდომის უფლება კონკურსის მიმდინარეობის და მისი შედეგების მონიტორინგის მიზნით;

2.4.5. ინტელექტუალური კონკურსის დისტანციურ ფორმატში ჩატარება განახორციელოს სოციალურ-საგანმანათლებლო მედიაპროექტ „ეტალონის“ პრინციპით.

3. ანგარიშწორება და ანაზღაურების წესი

3.1. აღნიშნული ხელშეკრულებით შემსრულებლის მიერ გაწეული მომსახურების ღირებულება განისაზღვრება 2960 (ორი ათას ცხრაას სამოცი) ლარით (თანხა ითვალისწინებს ყველა სახელმწიფო გადასახადს);

3.2. ხელშეკრულებით გათვალისწინებული თანხის ანაზღაურება მოხდება კონკურსის ჩატარების შემდგომ, გაწეულ მომსახურებაზე მიღება-ჩაბარების გაფორმებიდან 10 დღის ვადაში.

3.3. შემსყიდველის მხრიდან მიღება-ჩაბარების აქტზე ხელმოწერი პირია: თელავის მუნიციპალიტეტის მერის პირველი მოადგილე ნიკოლოზ მეტრეველი.

4. ხელშეკრულების მოქმედების ვადები

- 4.1. ხელშეკრულება ძალაში შედის მხარეთა მიერ მასზე ხელის მოწერის დღიდან და მოქმედებს 2022 წლის 05 აგვისტოს ჩათვლით.
- 4.2. წინამდებარე ხელშეკრულებით გათვალისწინებული მომსახურების მიწოდების ვადაა ხელშეკრულების დადების თარიღიდან 2022 წლის 05 ივლისის ჩათვლით.
- 4.3. მხარეები ვალდებული არიან ხელშეკრულების ვადის გასვლის შემდეგაც შეასრულონ თავიანთი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

5. ფორს-მაჟორული სიტუაციები

- 5.1. მხარეები თავისუფლდებიან საკუთარი ვალდებულებების სრულად ან ნაწილობრივ შესრულებისაგან, თუ ეს შეუსრულებლობა გამოწვეულია ფორს-მაჟორული გარემოებით;
- 5.2. მხარემ, რომელსაც შეექმნა ფორს-მაჟორული გარემოებები, აღნიშნულის შესახებ დაუყოვნებლივ უნდა აცნობოს მეორე მხარეს;
- 5.3. ფორს-მაჟორული პირობების დადგომა დამტკიცებული უნდა იქნას დადგენილი წესით.

6. დამატებითი პირობები

- 6.1. ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წინასწარი წერილობითი შეთანხმებით, რომელიც დაერთვის ხელშეკრულებას და ხდება მისი განუყოფელი ნაწილი. ცალმხრივად შეტანილ ცვლილებებს იურიდიული ძალა არა აქვს;
- 6.2. საკითხები, რომლებიც არ არის განსაზღვრული წინამდებარე ხელშეკრულებით, დარეგულირდება მოქმედი კანონმდებლობის შესაბამისად;
- 6.3. მხარეები მათ შორის წამოჭრილ ყველა დავას გადაწყვეტენ მოლაპარაკებისა და ურთიერთშეთანხმების გზით. თუ მხარეები ვერ მორიგდნენ, დავას წყვეტს სასამართლო;
- 6.4. ხელშეკრულება შედგენილია ქართულ ენაზე და დამოწმებულია კვალიფიციური ელექტრონული ხელმოწერით/შტამპით, რაც წარმოადგენს ხელშეკრულების ორიგინალს და ინახება მხარეებთან.

7. მხარეთა რეკვიზიტები და ხელმოწერები

შემსყიდველი
თელავის მუნიციპალიტეტი
მის: ქ. თელავი, ერეკლე II გამზ. N16
ს.კ. 231291535
ტელ: 0(350)272300

მერის პირელი მოადგილე
ნიკოლოზ მეტრეველი



მიმწოდებელი:
შპს „ეტალონი-მედია“
ს.კ. 20457202
სს „ბანკი ქართუ“
ბანკის კოდი CRTUGE22
ა/ა GE08CR0030086101003608
მის:ქ. თბილისი, წერეთლის გამზირი N116,
დიდუბე პლაზა, ოფისი N203
ტელ: 577681515

დირექტორი
მ. ლოღობერიძე -----